



Senin, 28 Desember 2020

Ogen:

Kuan-kuanen

17:22



Vaksin



Menam kerina bangsa doni enda ertima nandangi vaksin si banci naluken virus Corona si sangana nggeluh berdampingen ras kita. Vaksin e ertina bibit pinakit si enggo ilemahken, janah e kari itamaken ku bas tubuh manusia entah binatang alu make jarum suntik. Tujunna gelah kula manusia e kebal nandangi sada-sada pinakit. Gundari sangana erjuang kal tim kesehatennta erebahan uji coba vaksin si banci melemahkan virus Corona i bas kulanta. Amin gia lenga banci mis kerina ndatken vaksin e, si enggo lit e lah gia banci pedas isuntikken man masyarakat, epe enggo nge engkurangi penyebaran Virus e i daerahta sekalak-sekalak. Enda me pengarapenta. Ope vaksin enda sialoken ras-ras, lit kap vaksin i bas Pustaka si Badia si banci mereken kekebalen tubuh, nambahi semangat i bas ndalani kegeluhenta eme si jadi renungenta wari enda. *Keriahen desken tambar si mereken kejuah-juahen, adi ukur serbut erbahansa daging kertang tading tulan.* Enda sada pengajaren kerna keriahen mereken ngaruh ku bas kesehaten kula. Keriahen si ni maksuken i je eme kondisi perukuren si mbagesna i bas manusia, banci ikataken pusuh peraten (bhs. Ind. hati). Labo erkiteken seh sura-sura saja maka meriah ukur tapi erkiteken kita banci ngelakoken aturen-aturen moral si mehuli. Umpamana, bas pendahin kita jujur dengen ertanggungjawab, bas pergaulen la kita bengket ku bas perjudin, mabuk anggur, seks bebas, ras sidebanna. I bas jabu banci kita si hamaten dengen siergan ras anggota keluarganta, bas lingkungenta, la lit imbangta rubat ras sidebanna. Enda kerina nggambarkan suasana pusuh meriah. Suasana pusuh meriah e memicu zat-zat si nambahi kekebalen tubuhta erdahin alu mehuli. Seh maka sehat dengen megegeh siakap kulanta.

Sebalikna, ukur serbut pe nggambarkan suasana pusuh si kecewa, aru ate, bene pengarapen, erelem-elem ras sidebanna. Tulan e erbahansa kulanta pajek tedis, tapi adi tulan e lemah kerina kula suin. Si pebelinlah perukuren ras perbahenen si positif .



Ukur meriah nambahi kekebalen dagingkulanta

